



## Chelbeldio ti dá a Noé le segn dal anterbanch

Spo â Chelbeldio benedí Noé y sôa familia. Al ti â dit: „Moltiplichésse y slariésse fora sora dōta la tera! I se sorandá i tiers t'ega, t'aria y sōla tera. I podeis i copé y mangé sōa cern.“ Y Chelbeldio â dit ennant: „Mai ne dess na porsona copé en n'atra porsona. Chel co copa na porsona, mess enstes morí. Recordésse ch'i á cherié la porsona do mia someia!“

Spo â Chelbeldio empormetü a Noé: „I ne desdrüjará mai plü la vita sōla tera. L'anterbanch sō a ci é le segno ch'i se dá.“

Noé y sōa familia â ciaré a ci y te chel êl gnü le soredl co lominâ tai nî y ai odea en anterbanch demorveia. Al ea desco en punt depont sora dōt le ci y slominâ te sū plü bi corusc.

Y Chelbeldio â dit: „Cösc anterbanch é le segno de mia fedelté. I feji n'aleanza por dagnora con dōtes les creatōres. Vigne iade ch'ai odeis l'anterbanch, desses se recordé de mia empormetüda. I ti ô bun ala vita y i ô ester con y pa os duc i dis.“



## Vita de ploania y de paisc

### o Cortina: i orun duc daidé tigní saubra la cortina y desfraté le ciomont!

Al ven recordé che jōn plaza dal Mone él n contener aposta por le patüc co stá ciará (erba, ciöf ...)



## enformaziuns y terminis

**Encuntada con la Bibia:** en lönesc ai 18 de merz ales 20:15 él te salf de calogna d'Al Plan na encuntada de reflesciun sōn la Bibia con signor Sepl Granruaz. Düc é enviés.

**Prozesciun dles Staziuns por les families:** i grups dai Ministranc y dla Schira Jonila Val Badia organiseia adöm con le Grup dles Families dla Unité Pastoral a en sabeda, ai 23 de merz la prozesciun dles Staziuns da Badia sō Oies. An peia ia da calogna demez ales 14:45 por roé sō ala messa dales 16.00. Dedô aorela cōrta y n picio buffet. Düc, dantadōt les families con sū mituns, é der bel enviés da tó pert.

<b>Döt le bun a:</b>	Maria Rigo Bergmeister, <i>Weitental</i>	* 17.03.1932
	Maria Vittoria Ellemunter Schenk, <i>Santa Cristina</i>	* 18.03.1932
	Thomas Rubatscher	* 18.03.1944
	Anna Kier Erlacher	* 19.03.1938
	Benedetto Fiung	* 20.03.1929
	Maria Gabriella Willeit Rindler	* 22.03.1933
	y a duc chi co á santennom y complesc i agn cōst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastoral.org



# Plata dla Ploania

## La Pli de Mareo

### Santa Maria dal Bun Consei

Ploan: Signor Heinrich Perathoner  
 E-mail: ploania@gmx.net

Calogna Al Plan: 0474 501006  
 Radio de Ploania: 93,00 MhZ



VAL BADIA  
 www.unitepastoral.org

## Fora dal nio lominus aldîn la usc dal Pere: Cösc é mio Fi bunorü; ascutédele!

📖 Gen 15, 5–12.17–18 | Fil 3, 17 – 4,1 | Lc 9, 28b–36

### Dal Vangelo do San Lüca:

Te chel tomp<sup>28b</sup>á Gejú tut Pire, Jan y Iaco sōn na pert y é jü empara sōn na munt a perié.<sup>29</sup>Y dertan ch'al periâ, s'á müdé l'aspet de so müs, y so guant é diventé blanch lominus.<sup>30</sup>Te n iade baiâ dui ei empara. Al ea Mosé y Elía;<sup>31</sup>ai ea aparís te n lominus raiont y baiâ de sōa fin, co dea s'ademplí a lerúsalem.<sup>32</sup>Pire y sū compagns ea gnüs coüs dala som, mo ai s'â endespré y odea Gejú te n lominus raiont y i dui ei co ea dlungia d'el.<sup>33</sup>Canche chisc dui orea s'an jí demez da d'el, á Pire dit a Gejú: Maester, al é bun ch'i sun atló. I orun fá sō trei üces, òna por te, òna por Mosé y òna por Elía. Mo al ne sâ nia ci ch'al dijea.<sup>34</sup>Ciamó dertan ch'al baiâ, él gnü n nio y i á curí con sōa ombria. Ai ea roés ete tal nio y se temeaa.<sup>35</sup>Y dal nio scraia na usc: Cösc é mio Fi prelité, ascutédele!<sup>36</sup>Mo do che la usc â zedü, ea Gejú endô su. I discepuí scutâ y ne ti cuntâ en chi dis a degügn ci ch'ai â odü.

### Oraziun dal de

*Periun! Bel Dio, tō nes as racomané da ascuté to Fi: nodrescesse con tōa parora y purificheia i edli de nosc spirit, ch'i sunse boggn da reconesce tōa gloria. Por nosc Signur Gejú Crist, to Fi, co é Dio y vir y regneia con te t'l'unité dal Spirit Sant por duc i secui dai secui. – Amen.*

(Lezionar C)

### Vire la Carséma

Lc 9, 28b–36

Pire y sū compagns ea gnüs coüs dala som, mo ai s'â endespré ...

### Impuls

*Ince nos, ch'i sun cherdés tres le bato a na vita con Gejú Crist, gnun coüdes y coüs dala som... I ó mo (lascé) endespré por ...*

📖 Letōres dla Terza domegna de Carsema:

Es 3, 1–8a.13–15 | 1 Cor 10, 1–6.10–12 | Lc 13, 1–9

Edema liturgica dai 17.03. ai 24.03.2019

<b>DOM 17.</b>	<b>Secunda domegna de Carsema</b>	<i>Gertrud, Patrick</i>
<b>08:30</b> 10 y 18	<b>gran messa</b> por dōta la ploania <i>s.m. a Al Plan</i>	<i>oferta por i debojūgn̄s dla ploania</i>
<b>Lön 18.</b>	<i>Ziril da Ierúsalem, Eduard</i>	
→	<b>de d'oraziun personala y te familia</b>	
<b>Ded 19.</b>	<b>GRAN FESTA DE SANT'OJEP OM DE SANTA MARIA</b>	
	<i>fiesta dai peri</i>	
→ 19:30	<b>s.m.</b> en onú y reingraziamont de Sant'Ojep por l'Uniun dai Ei <b>s.m.</b> por † Jep Rovara, Plans <i>♫ quartet de ei</i>	
<b>Dem 20.</b>	<i>Wolfram, Irmgard, Claudia</i>	
→ 19:30	<b>les Staziuns con la Joneza</b>	
<b>Jöb 21.</b>	<i>Christian, Benedet, Emilie</i>	
<b>19:30</b>	<b>s.m. dai crejimandi</b> por les Püres Armes <b>s.m.</b> für besondere Anliegen	
<b>Ven 22.</b>	<i>Lea, beat Clemens August, Elmar</i>	→ <b>astinonza dla cern</b>
→ 19:30	<b>zelebrazium dla Parora de Dio</b>	
<b>Sab 23.</b>	<i>Turibio Mongrovejo, Rebeca</i>	
18:00	<i>s.m. prefestia a Al Plan</i>	
<b>19:30</b>	<b>s.m. prefestia</b> por † Anastasia Terza, André <b>s.m.</b> por † Linda Promberger Trebo, Bolser <b>s.m.</b> por † Lois Valentin, Al Plan	
<b>DOM 24.</b>	<b>Terza domegna de Carsema</b>	<i>Elias, Oscar Romero,</i>
	<b>de de solidarieté por la patronat ACLI-KVW</b>	<i>Caterina, Simon</i>
<b>08:30</b>	<b>gran messa</b> por dōta la ploania	<i>oferta por le Patronat ACLI KVW</i>
<b>14:00</b> 10 y 18	<b>funziun dal Bato de Marcel Ploner</b> <i>s.m. a Al Plan</i>	
<i>ampola:</i>	por fa. Erlacher, Cargá	
<i>ministronc:</i>	▶ da doman y domegna: Rosina y Matteo ▶ da sera y domegna: Roman y Florian	
<i>i recordun:</i>	Giustina Agreiter ved. Maneschg Rosa Rigo ved. Canins, <i>La Ila</i>	+ 22.03.2011 + 23.03.2010



En lominûs ... da "temei" (Lc 9, 28b-36)

**I ponsi do**

*Gejú lascia tó pert trei de sü discepu i a na esperionza straordinaria: so müs müda aspet y so quant ven blanch lominus.*

*Te el se manifesteia te chel momont dōta sōa gloria y divinité. Canch'i sun en compagnia de Gejú ne podunse nia dormí, fá i frac, desinteressés o se stüfé. Sōa presenza é na la löm co scinca entusiasim y porta ligreza.*


**I preii ensciö**

Ince iu oress gní con te sön che munt, Signur, y odei les cosses granes y demorveia che tū amisc á podü odei. I oress sté pa te por amiré la beleza de to müs y por mo lascé adurbé dal lominus co ven da te.

I oress ... mo i ne pó nia, i oress ... mo al mo mancia le tomp, i oress ... mo i á tan d'ater da fá. Tan de vertores por nia mo lascé trá ete demassa da te; tan de "sce" y de "mo" por i dé rajun a mia comodité y a mia superfizialité. Tō mo cherdes y mo das tan de ocajiuns d'amizizia con te. Te mo envieies y mo lasces sontí la ligreza de tōa presenza. Tō mo stas dlungia y mo emplesces de lominus. Fá ch'i sunse desco n spidl tler y sauber co dá ennant empü' de chel lominus co s'endespra dai soms y co fej passé vigne stancheza.



**I ponsun con le Vangelo**



- 1> so quant é diventé ... lominus.
- 2> Al ea ... y Elía;
- 3> y é jü empara sön na ... a perié
- 4> Gejú á tut ..., Jan y Iaco
- 5> Y dal ... scraia na usc:
- 6> Cösc é mio Fi prelité, ...!
- 7> mo ai s'â ... y odea Gejú te n lominus raiont